

## *La vinto-Dousenco* *Ditado Regiounalo Prouvençalo de Bedarrido*

Bràvis amigo e ami, sias couralamen counvida pèr nosto assouciacioun lou

**DISSATE 09 DE MARS 2019**

à coumta de 2 ouro dóu tantost (14 ouro), à la salo di « VERDEAUX »  
(proche de l'estàdi de rubi de Bedarrido ).

Envisajan, pèr lou vint-e-dous cop, un rescontre amistous, en ourganisant :

### **LA Vinto-Dousenco DITADO EN LENGU PROUVENÇALO**

Se recampa en 2019, pèr nosto ditado en grafio mouderno , es metre en valour la soumo de  
mai de cènt an d'eiretage de la reneissènço de la lengo de Prouvènço.

Adounc, dounan rendès-vous à tóuti lis amourous de nosto bello lengo prouvençalo,  
pèr targa sus li tèste de la vinto-dousenco ditado de Bedarrido.

Prouvençau, dau !

Tres nivèu soun previst :

nivèu de baso : pèr li gènt que mestrejon panca bèn li dificulta de la grafio

nivèu counfierma:pèr li gènt que counèisson proun l'escrì e li vincèire passa dóu nivèu de baso

nivèu mèstre : pèr aquéli qu'an deja davera li joio à passa-tèms dins lou nivèu« Counfierma »  
e li proufessour óuficiou o noun ; enfin, tóuti li que se sènton proun fort en prouvençau,  
poudran ié participa.

Chasque nivèu aura sa ditado especialo .

Saran guierdouna li 5 proumié di categourio 1 o 2 e li très proumié pèr li mèstre.

Dóu tèms de la curreicioun di còpi pèr la jurado, dins uno toco pedagogico, sara facho uno  
curreicioun publico di tèste ( proujeicioun sus escran ) emé tóuti lis esplico necito pèr  
coumprendre la grafio chausido pèr Frederi Mistral.

Pèr facilita l'ourganisacioun pratico, souvetan reçaupre la tiero di membre  
de voste assouciacioun, que volon participa à la ditado,  
d'eici lou premié de MARS, encò dóu secretàri :

*Jan Glaude FERREIRA, 1 Avenue de la Gare, 84370 BÉDARRIDES*  
*Telefoune : 04 90 33 03 21 . Courrièl : j.ferreira68@sfr.fr*

Au plesi de vous vèire noumbrous pèr aquéu counours freirenau.

La Presidènto ; **Ano-Mariò FERREIRA**